
"ЁШЛАР ДАФТАРИ"ГА КИРИТИЛГАН ЯНА 30 НАФАР ЁШГА ДЕҲҚОНЧИЛИК УЧУН ЕР АЖРАТИБ БЕРИЛДИ

Учкўприк туманида қишлоқ жойларда янги иш ўринлари яратиш, ишсиз ёшлар бандлигини таъминлаш мақсадида уларга ер ажратиб бериш ишлари давом этмоқда.

Бугун “Бегмурод”, “Чорбоғ”, “Султон” маҳалла фуқаролар йиғинларида истиқомат қилувчи “Ёшлар дафтари”га киритилган, қишлоқ хўжалиги соҳасида меҳнат қилиш истагида бўлган 30 нафар ишсиз ёшларга деҳқончилик фаолияти билан шуғулланишлари учун 10 сотихдан ер майдони ажратиб берилди.

Шу муносабат билан ташкилланган тадбирда туман ҳокими Акмалжон Маҳмудалиев иштирок этиб, бу имкониятлардан унумли фойдаланиб, мўл ҳосил олиш ва даромадни кўпайтириш зарурлигини, бунинг учун барча шароитлар яратиб берилишини таъкидлади.

Соҳа мутахассислари томонидан ёшларга эртанги экинлар турлари, уларни экиш ва парваришlash агротехникаси ҳақида батафсил тушунчалар берилди.

2021-03-23 10:09:06